

# ҲУДУДИЙ МУАММОЛАР ЕЧИМИ

маҳаллий Кенгашлар депутатлари назоратида

Олий Мажлис Сенатининг биринчи ялпи мажлисида давлатимиз раҳбари демократик ислохотлар моҳияти хусусида тўхталаркан, сенаторлар маҳаллий Кенгашлар ва уларнинг депутатлари фаолиятини тубдан ўзгартиришга, жамоатчилик назоратини кучайтиришга масъул бўлишлари давр талаби эканини таъкидлаб ўтганди. Хусусан, халқ депутатлари Самарқанд вилояти Кенгаши ишини намунали тарзда йўлга қўйиш ҳамда бу тажриба орқали халқ вакилларининг жамиятда етакчи бўлишларини таъминлаш вазифасини ўртага ташлаган эди.

## Сенатор мушоҳадаси

Ўтган қисқа вақт ичида вилоятимизда бу борада муайян ишлар амалга оширилди. Масалан, Олий Мажлис Сенати ёрдамида вилоят, шаҳар ва туман ҳокимликларида сенатор хоналари ташкил этилди. Уларда Кенгашларнинг, доимий комиссиялар раислари ҳамда депутатларнинг мунтазам ишлаши учун шароит яратилган. Ўз навбатида, сессияга масалаларни пухта тайёрлаш, сессия қарорлари ижроси устидан қатъий назорат ўрнатиш, доимий комиссия йиғилишлари нуфузини ошириш, сайловчилар мурожаатлари билан ишлаш юзасидан семинарлар ўтказилди ва амалий ёрдамлар кўрсатилди. Натижада депутатларнинг фаоллиги сезиларли даражада ошди. Буни 26 қонун лойиҳаси юзасидан ўтказилган муҳокамаларда вилоят Кенгаши депутатлари томонидан 70 га яқин таклифлар берилгани ҳам тасдиқлаб турибди.

масала қизғин муҳокама этилди. Улар юзасидан депутатларнинг ярмидан кўпи муносабат билдирди. Учта ижро органи раҳбари ҳисоботи қайтарилди, 5 нафар раҳбарга интизомий чора кўрилди. Демокчимизки, ошкора муҳокама, адолатли қарорлар ижро ҳокимияти фаолияти самарадорлигини оширишга ёрдам бераётир. Ана шу жараёнлар вилоятдаги ОАВ, ижтимоий тармоқларда ёритилгани боис сайловчиларнинг ўз депутатларига ишончи ортиб борапти. Келгуси сессияларимизни ижтимоий тармоқларда онлайн тарзида тўғридан-тўғри узатиш ниятимиз ҳам бор.

Сенат ялпи мажлисида Самарқанд вилояти ҳокимининг ҳудудни ижтимоий-иқтисодий ривожлантириш юзасидан ҳисоботи муҳокамаси ва унда қабул қилинган қарорлар фаолиятимизда катта аҳамиятга эга бўлди. Сенат ишчи гуруҳи аниқлаган камчиликларни бартараф этиш юзасидан “Йўл харитаси” тасдиқланди. Ундаги ҳар бир муаммо ижросини назорат қилиш учун фаол депутатлар бириктирилди. Ҳозиргача бу ишларнинг аксарияти ечимини топди.

Вилоят Кенгаши доимий комиссиялари раислари вилоят телевидениеси орқали аҳоли билан икки марта тўғридан-тўғри мулоқот ўтказди. Айниқса, пандемия шароитида маҳаллий Кенгашлар депутатларининг ўз сайлов округларида камбағалликни қисқартириш, ночор оилаларни моддий қўллаб-қувватлаш, томорқадан унумли фойдаланиш борасида аҳолига сидқидилдан ёрдам бераётгани, бу борадаги муаммоларга ечим топаётгани депутат ва сайловчиларни бир-бирига яқинлаштиряпти. Мисол учун, даромад манбаига эга бўлмаган оилалардан 6 минг 693 тасига амалий ёрдам кўрсатилди, яъни айримларига оилавий тадбиркорликни бошлаш ҳамда томорқадан фойдаланиши учун кредит ажратилди, баъзиларига касаначиликни йўлга қўйишларида кўмаклашилди.

Намунали Кенгаш сари интилиш ишимизга жўшқинлик бағишляпти. Шу боис давлатимиз раҳбарининг кўрсатмаларини янада тўлароқ амалга ошириш мақсадида Кенгашда маош олиб ишловчи котибият тузиш таклифи тушди. Бу таклиф депутатлар томонидан маъқулланди. Синов тариқасида халқ депутатлари Самарқанд шаҳри ва Оқдарё тумани Кенгашларида жорий этилган котибият бу ишларни доимий тарзда олиб боради ҳамда халқ вакиллари фаолиятини янада жонлантиришга, Кенгаш фаолияти самарадорлигини оширишга хизмат қилади.

Йилнинг иккинчи ярми учун тузилган режалар янада салмоқли. Энг аввало, навбатдаги сессияда вилоят ҳокимининг ўринбосарига Кенгаш сўрови юборишни мўлжаллаяпмиз. Ундан кейин йил охиригача ҳар ойда битта туман ҳокимининг иқтисодий-ижтимоий ривожланиш бўйича ҳисоботини эшитиш йўлга қўйилади.

**Фармон ТОШЕВ,**  
Олий Мажлис Сенати  
аъзоси.

“*Депутатлик сўрови ҳамда унинг ижроси бўйича жавоб матнини ҳам матбуотда ва ижтимоий тармоқларда чоп этиш йўлга қўйилди. Депутатлик сўровига жавоб бермаган ёки кечикиб жавоб берган раҳбарлар эълон қилиб борилди. Бундай услуб камбағал оилаларга ёрдам уюштиришда эътиборсизлик ҳамда масъулиятсизликларга барҳам берди.*

Вилоятда сессияда кўриладиган масалаларни бир ой олдин маҳаллий ОАВда эълон қилиш яхши анъанага айланди. Ишчи гуруҳи аҳолидан, сайловчилардан Telegram канали орқали ҳар бир масала бўйича 30 — 40 тагача таклиф-мулоҳаза қабул қилди ва улар сессияда эълон қилинди. Айримлари бўйича депутатлик сўровлари уюштирилди. Депутатлик сўрови ҳамда унинг ижроси бўйича жавоб матнини ҳам матбуотда ва ижтимоий тармоқларда чоп этиш йўлга қўйилди. Депутатлик сўровига жавоб бермаган ёки кечикиб жавоб берган раҳбарлар эълон қилиб борилди. Бундай услуб камбағал оилаларга ёрдам уюштиришда эътиборсизлик ҳамда масъулиятсизликларга барҳам берди.

Сенат ёрдамида вилоят Кенгашлари депутатларининг шаҳар ва туман Кенгашлари депутатларига амалий ёрдамни уюштириш ўзаро ҳамкорликни кучайтириш баробарида, халқ вакилларининг аҳоли ўртасида нуфузини оширишга ҳам хизмат қиляпти. Ўзаро ҳамкорлик натижасида жойларда 100 дан ортиқ лойиҳалар ўз муддатида амалга оширилди. Умуман, рўйхатга олинган 47 минг 700 камбағал оиланинг ҳар бири ҳозирда ҳам сайлов округлари бўйича депутатлар эътиборида турибди.

Депутатларнинг фаоллиги, табиийки, сессия ва доимий комиссия йиғилишларининг самарали бўлишини таъминляпти. Ҳар бир сессияни Кенгаш раиси тасдиқлаб берган жадвал асосида доимий комиссиялар навбати билан тайёрлаши яхши натижа бермоқда. Йилнинг ўтган даврида 59 та